

Redovni izvještaj dnevnih događaja i pojava.-

Izvještaj se odnosi na događaje u vremenskom periodu od 03.08.2026. godine od 08:00 sati do 04.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je intervenciju na gašenju požara od 13:00 do 14:16 sati u mjestu Baljevac, gdje je gorjelo nisko rastinje i šuma. Požar je obustavljen zbog eksplozije mine. Pripadnici Šumarije i patrola policije vrše nadgledanje požara.

Grad Bosanska Krupa. Vatrogasna jedinica grada Bosanska Krupa imala je intervenciju na gašenju požara od 08:20 do 12:20 sati u mjestu Bosanska Otoka, gdje je gorjela trava.

Općina Bužim. Vatrogasna jedinica općine Bužim imala je intervenciju na gašenju požara od 23:15 do 00:30 sati u mjestu Brigovi, gdje je gorjela deponija smeća.

Grad Cazin. Vatrogasna jedinica grada Cazina imala je četiri intervencije na gašenju požara i to:

- od 12:00 do 12:20 sati, gdje je gorjeo električni stub /bandera/.
- od 16:00 do 20:50 sati u mjestu Mujakići, gdje je gorjela šuma.
- od 20:25 do 22:20 sati u mjestu Japića Brdo, gdje je gorjela borova šuma,
- od 05:45 do 07:00 sati u mjestu Japića Brdo, gdje je ponovo gorjela borova šuma.

Općina Velika Kladuša. Vatrogasna jedinica općine Velika Kladuša imala je dvije intervencije na gašenju požara i to:

- od 11:38 do 13:55 sati u mjestu Čaglica, gdje je gorjela trava.
- od 14:00 do 15:20 sati u mjestu Purići, gdje je gorjela trava.

Općina Ključ. Vatrogasna jedinica općine Ključ imala je intervenciju na gašenju požara od 14:10 do 18:40 sati u mjestu Sanica, gdje je gorjela trava.

Općina Sanski Most. Vatrogasna jedinica Sanski Most imala je tri intervencije na gašenju požara i to:

- od 15:50 do 16:20 sati u mjestu Donja Tramošnja, gdje je gorjelo nisko rastinje,
- od 17:00 do 20:30 sati u mjestu Tomina, gdje je gorjelo nisko rastinje,
- od 01:20 do 03:40 sati u mjestu Gornja Tramošnja, gdje je gorjelo nisko rastinje.

Tehničke intervencije

Grad Bihać. Vatrogasna jedinica grada Bihaća imala je intervenciju na sapiranju ceste poslije saobraćajne nezgode u naselju Kamenica.

Grad Bosanska Krupa. Vatrogasna jedinica grada Bosanska Krupa imala je asistenciju kod izvlačenja utopljenika iz rijeke Une, u mjestu Bosanska Otoka.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Na magistralnoj cesti M-5 granični prelaz Izačić-Bihać izvode se radovi na rekonstrukciji mosta preko potoka Mrižnica. Vozila se preusmjeravaju na privremenu obilaznicu (bajpas) u neposrednoj blizini radova, naizmjeničnim propuštanjem.

Duge su kolone vozila na izlazu iz Bosne i Hercegovine na graničnom prelazu Izačić i Velika Kladuša, na ostalim graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se dvanaest saobraćajnih nezgoda.

Šest lica zadobilo je lakše tjelesne povrede, te je prčinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin. Zbog povećane potrošnje i smanjenog kapaciteta na izvorštima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Općina Sanski Most. Policijska stanica Sanski Most nam je dostavila službenu zabilješku sačinjenu na okolnosti pronalaska NUS-a. Radi se o Tromblonu nađenom u mjestu Podlug na obali rijeke Sane. Mjesto pronalaska je obilježeno.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 21 °C.

Vodostaj rijeke Une iznosi 22 cm, (početak obavješćavanja je 100 cm).

U općini Sanski Most u 07:00 sati temperatura je iznosila 20 °C.

Vodostaj rijeke Sane iznosi 72 cm (početak obavješćavanja je 310 cm).

Napomena: Federalni hidrometeorološki zavod je izdao NARANDŽASTO UPOZORENJE zbog visokih dnevnih temperatura zraka za vremenski interval od 30.07. do 05.08. 2026., od 12:00 do 17:00 sati.